

七經同卷

則十

佛說聖大總持王經

佛說最上意陀羅尼經

佛說持明藏八大總持王經

聖無能勝金剛火陀羅尼經

則十

佛說尊勝大明王經

佛說智光滅一切業障陀羅尼經

佛說如意寶總持王經

佛說聖大總持王經

宋西天三藏朝散大夫試鴻臚少卿傳教大師施護奉詔譯

如是我聞一時世尊在舍衛國祇樹給孤獨園是時阿難安居異處守夏既滿從彼默然來詣佛會至佛會已五體投地禮佛雙足退坐一面顚俟佛誨爾時世尊告阿難言阿難我今爲欲利益一切有情故說大陀羅尼章句汝當諦聽是時阿難受佛教勅身心凝然合掌而住佛言阿難我有摩訶陀羅尼大總持王乃是過去七十七俱胝如來之所宣說

我亦隨喜阿難此大陀羅尼章句能令有情
得大安樂威德勢力悉皆具足若有善男子
善女人獲得值遇者作是思惟此大陀羅尼
希有難遇譬若如來應正等覺出現於世難
得值遇亦如優曇鉢華希有難見當作是念
諦信供養爾時世尊復謂阿難言若有善男
子善女人於此大陀羅尼章句至心受持讀
誦供養者刀不能傷毒不能中火不能燒水
不能漂王法不加永無天殁至於天人阿脩
羅摩嚧多迦樓羅乾闥婆緊曩羅摩睺羅伽

夜叉羅刹畢哩多毗舍遮鳩槃荼布單曩阿
波三摩嚧諸如是等造作惡法行不饒益者
亦不能侵害乃至幻術邪明諸惡法等亦不
能娆亂又復瘡病一日二日三日四日或復
多日或復須臾或復風癘或復痰癰乃至頭
痛如是等病亦不能爲害爾時世尊即說陀
羅尼曰

怛你也訖他引入嚩合隸摩訶入嚩合隸二
入嚩合羅你摩訶入嚩合羅你三怛波你摩
訶怛波你四入嚩合隸帝五郁枳目枳六三

半你摩訶三半你娑嚩

二合賀引

阿難我先語汝此大陀羅尼章句乃是七十
七俱胝諸佛如來之所宣說我今復說阿難
若有善男子善女人於此大陀羅尼章句信
心受持若讀若誦及以思惟種種供養得宿
命通知七生事於菩提心永不退轉爾時世
尊復說陀羅尼曰

怛你也合二他引按拈摩拈二乞叉合一彌乞叉
 合二摩曳三摩曩禰四阿曩努五護隸引摩賀
 引護隸六怛曩計七儼鼻哩八努鉢囉合娑

𪔐娑𪔐娑縛合二訶九引

阿難此大陀羅尼章句乃是過去八十八俱
胝諸佛如來之所宣說我亦隨喜今復宣說
阿難若有善男子善女人於此大陀羅尼章
句信心受持或讀或誦思惟供養是人得宿
別十
命通知十四生事於菩提心永不退轉爾時
三
世尊又說陀羅尼曰

怛你也合他司按致引挽致二司一蛇計引蛇囉
計三司一蛇計引蛇囉計四阿悉迦引悉麼引迦
引悉五伊隸彌隸六底隸彌隸七撓引囉吠

摩賀引撓引囉吠八部旦識彌九部多波囉

野拏轉聲底彌孕合識隸引摩賀引底彌孕

合識隸引十三婆吠引摩賀引三婆吠引娑

嚩合訶引

阿難此大陀羅尼章句具大威德力勢無量

若有善男子善女人信心受持或讀或誦思

惟供養者得宿命通知二十一生之事於菩

提心永不退轉爾時世尊又說陀羅尼曰

怛你也合二他一引阿計隸引縛計隸二嚕隸引

摩賀引嚕隸引烏賀你謨引賀你謨引賀你

四咎婆你娑旦合婆你娑嚩合訶引

阿難此大陀羅尼具大威德有大力勢功德

無量倍勝於前能與有情作大利益若有善

男子善女人發誠信心不生疑惑於此大陀

羅尼受持讀誦或爲他人而作擁護或爲救

濟或爲息災者當使彼人刀杖不傷毒不能

中一切惡事無能損害若復有人爲自擁護

以此陀羅尼書於素帛帶持身臂所獲功德

無量無邊又復智者持此陀羅尼於枯樹下

爲作救濟而彼枯樹尋復甦活根葉重生作

珊瑚色華實茂盛人所愛樂阿難若有智者
恒常受持悔於先身所作罪業若復至心懺
悔無不消滅何以故阿難譬如日月威光廣
大能照世間以陀羅尼威德力故猶能墮落
又如四大海水衆流所聚深廣無比以陀羅
尼威德力故亦能乾竭至於大地無量無邊
以此陀羅尼威德力故可分千段何有罪業
而不滅耶阿難如是等大陀羅尼章句所在
之處當須尊重恭敬供養不得輕慢勿復違
逆若有天龍夜叉羅刹畢哩多毗舍遮鳩槃

荼布單那羯吒布單那阿波三摩囉吠多擊
人及非人諸如是等造作惡法於諸世間行
不饒益者若於此大陀羅尼章句有所違逆
而不隨順者彼持國天王現極怒相光焰不
散都爲一聚以熱鐵輪破彼頭頂分作七分
如阿梨樹枝又彼帝釋天主亦大忿怒光焰
熾盛都爲一聚以金剛杵而破彼頂分作七
分如阿梨樹枝又金剛手大藥叉主亦以金
剛杵擊破彼頂如阿梨樹枝又復彼等若有
違逆此大陀羅尼章句者雖住天中永不能

得水精王宮功德水用佛說是經已時阿難及是會大衆天人阿脩羅乾闥婆人非人等聞佛所說歡喜奉行禮佛而退

佛說聖大總持王經

則十

佛說最上意陀羅尼經

五

宋西天三藏朝散大夫試鴻臚寺卿傳教大師施護奉 詔譯

如是我聞一時佛在救鵠城牛頭梅檀精舍與大比丘衆俱及天龍八部恭敬圍繞瞻仰而住爾時世尊告阿難陀及諸大衆言我觀

此南閻浮提末世之時一切衆生由薄福故有諸惡鬼神起諸災難惱亂衆生使不安隱有陀羅尼能爲息滅及增吉祥我今宣說汝等諦聽時阿難陀及諸大衆奉佛教勅默然而聽佛言阿難過去世時此閻浮提有一比丘名曰傳教於九月黑月十五日北方遊行去支那國不遠及四由旬忽於路次見一神人遠遠而住而此神人身長三十肘面圓四肘彼傳教比丘見此神人身量恢偉顏貌熙怡審諦觀察此非他人乃真實是妙吉祥童